

الرشاد

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف ادیب

صانکه افکار عمومی اسلامیه وار ایتمش !

استانبولدن ماتن غزته سنه اشعار اولنیور :

« عثمانلی ایمرطورلنک حدود مستقبله سی حقنده شیمیدین تخمینانده بولنمق ممکن دکسه ده ادرنه نك ترکی شرطیه مصالحه نك خارج ازامکان اولدینی شیمیدین ادعا ایدیه بیلور . ذات شاهانه ، عثمانلی مرخصلرینک عزیزمتدن مقدمه شارالیه می قبول ایله : « ادرنه نك حدود خاقانیزداخلنده قالمسی آرزوی قطعی شاهانه مزدنر . « بیورمشلردر . ادرنه شهری ، شام ، بروسه ، بغداد کی مقام خلافت عظمایک برمالکانه معززه سی اولدیغندن افکار عمومی اسلامیه بوشهرک ترکی بردرلو هضم ایده مز . »

سبیل الرشاد . — ماتن غزته سنک مخباری بزه فضله حسن توجه

کوسترمش . بوکیدیشه افکار عمومی اسلامیه ! ادرنه دکل ، معاذه کعبه بیله اهل صلیبه ترک اولونسه ینه هضم ایده جک !..

شیون

مذاکرات صلحیه . — جمعه ایرتسی کونی وقوعبولان صلح مذاکراتی

اجتماعنده عثمانلی مرخصلری آلدقلمی تعلیماته توفیقاً قلاع محصوریه ارزاق سوقی طلبنده بولمشلر ، بوتکلیف قبول اولندجه مذاکرات اساسیه ده دوامده معذور اولدقلمی بیلدیرمشلردر . مرخصلرمنک بوتکلیفی متفقین مرخصلری طرفندن شایان قبول کورولمه یه رک رد اولمش ؛ بومسئله نك متارکه پروتوقولنده حل ایدلیکنندن مذاکرات صلحیه ائناسنده بونک تکرار موضوع بحث اولمیه جفی ادعا ایدلشدردر . بونک اوزرینه مرخصلرمن یکیدن باب عالی یه عرض کیفیت ایله تعلیمات طلب ایده جکلرینی بیلدیرمشلردر .

باب عالی بعدالذا کره مرخصلرمنه یکیدن کوندردیکی تعلیماته ؛ حکومت

عثمانیه نك یونانستانک صلح مذاکراته اشتراکنه موافقت کوستردیکی وصلح ومسالت متفقله ده آرزو ایدلیکی تقدیرده قلاع محصوریه ارزاق ارساله میدان برافلمسی انسانیته ده لایه اولدینی یولنده بیانانده بولنله رق ارزاق ارسالی مسئله سنک مذاکرات اساسیه صلحیه ده تقدیماً تکرارحلی طلب ایللمی بیلدیرلشدردر .

عثمانلی ودول متفقله مرخصلرندن مرکب صلح قونفرانسنک بازارایرتسی

کونی وقوعه کلن اجتماعنده مذاکرات پک آز برمدت دوام ایتشدردر . دول متفقله مرخصلری بلاد محصوریه ارزاق کوندرلمسی طلبنک قبول و یاخود عدم قبولی موضوع بحث ایتک ایستمدکارندن ، عثمانلی مرخصلری طرفندن درمیان اولنان تکلیفه توفیقاً شرائط اساسیه لرینی بیان ایتمشلردر .

رویتر تلغراف آژانسنک تبلیغاتنه نظراً متفقله طرفندن درمیان اولنان

مطالبک مرمره ساحلنده واقع تکفورطاغنک شرقندن بحرسیا هده کی مالاتره کورفرینه قدر تمیدایدیلجه جک برخطک غربنده واقع (کلیبولی شبه جزیره سی مستقنا قالمق شرطیه) بالجه اراضینک و آطه لر دگزنده کی جزائر عثمانیه نك ترک و کرید اوزرنده کی حقوق عثمانیه دن ده فراغت اولنسنی محتوی بولمقده در . متفقله شرائطی عثمانلی دلکله لر اوزرنده عظیم برسوء تأثیر حاصل ایتمشلردر . عثمانلی هیئت مرخصه سی شرائط مذکورده نك تدقیق ایچون برمهلت طلب ایللمی اوزرینه قونفرانس جمعه ایرتسی کوننه تأخیر اولمشلردر .

سبیل الرشاد . — باقلم خلافت جلیله اسلامیه ، سلطنت سنیه

عثمانیه بوتکلیفی قبول ذلته قاتلانجه قعی ؟ « الم ترالی الذین خرجوا

من دیارهم وهم آلف حذرالموت فقال لهم الله : موتوا ... »

پردۀ عصمتی چاک ایلورلر . آوروپالیر مدنیت پرده سی آرقه سنده کی صحنه وقوعانده اوینانان بو هائله یی بر سرور شوق افزا ایله تماشا ایلورلر . یالکیز اوراسنی دوشونه میورلرکه اکر میدان کار وزار بر (تیاترو) یعنی لعبتگاه و غا ایسه ، هر تیاتروده اولدینی کبی اوراده ده منظره دکیشه بیلیر . بوکون کندیلرینه مسرت بخش اولان افعال ظالمانه ، افعال منتقمانه یه منقلب اولنجه ، اوشوق و مسرتلر بر آنده زائل اوله رق یرینه آه ندامتلق قائم اولور . ایشته صلیبک هلال ایله مجادله سنندن حاصل اوله جق نتیجه بودر . چونکه هلال نورانی و روحانی بر اشارتدرکه طلوعی خیر و مسرت بهشارتدر . صلیب ایسه ظلمانی و شیطانی بر آلتدرکه وجودی نکال و عقوبته علامتدر .

امین و مطمئنکه فلاح هلالک ، هلاک صلیبک در . **نصیر افکار**

بالقان اهل صلیبنه انکیزلرک نصیحتی

تایمسک باش مقاله سنندن :

« عثمانلیلر تکلیف اولنه جق شرائط معقولیه یی رد ایده جک اولورلرسه اوروپاده کی موجودیتلرینی و بر دولت اعتباریه بتون استقباللرینی تهلکه یه دوشورمش اوله جقلردر .

متفقله ایچون یاپیله جق ایلک شی ، دارالخبرده موقیعتلرینی انتاج ایدن وفاق و اتحادلرینی محافظه دن عبارتدر . آنجق بوسایه ده مقصدلرینی تأمین و ثمرات ظفرلرینی استحصال ایده بیلورلر . متحداً حرکت ایتدکلری حالده قزاندقلمی یرلردن برافنده حاصل اولمیه جق وقور تاردقلمی ولایتلرده ذاتاً اوزون مدتدن بری حکمفرما اولان انارشینی نك بشقه برشکللی باش کوستره جکلدر . »

مدنیت استادلرمنه کوسکونلکمز !

(اقدام) غزته سنک باش مقاله سنندن :

« یازیقکه ترکار بوآنه قدر فرانسجه ایلدو فرانسه ایله مغول اولمشلر . اولادلرینه فرانسجه یی تحصیل ایتدیرمشلر ، مکتبلرینه فرانسجه تدریساتی علاوه ایتمشلر . برطاقم پاپاس مکتبلرینه بیله ترکار فرانسجه اوقوندینی ایچون کیتمشلر . هب فرانسز مدنیتندن ، فرانسز علمندن حصه دار اولغه چالیشلر . فرانسجه تحصیل ایچون اولرینه مرهبلر آلمشلر ، عادتا معناً فرانسه نك تابی اولمشلردر . مترجملر بیله فرانسجه کتابلری ترجمه یه نقل ایتمشلر ، فرانسه نك تأثیراتی تاجو جقلردن ، قیزه لر و ارنجه یه قدر ذهنلره یرلشدیرمشلردر . شمدی بزم فرانسه دن کوردیکمز معامله یه باقک : موسیو پووانقاره تلاکت دیده اولانلره فرانسه نك یاردیم ایتک عادت ایلدینی سولیش ایدی ، فقط فرانسه ارباب نشریاتندن کوردیکمز یالکیز اعتسافات ! .. روم ایلیده بتون اهل اسلام یاره لری آلتدقدن صکره لایققطع قتل ایدیلیورلرده ینه بوغزته لر برشی یازمیورلر . استانبولده شویله بویله اوله جق دنیلیدیکی زمان قوشان فرانسزلر روم ایلیده هیچ برحای کورمین بیچاره مسلمانلر ایچون نه دن برسس چیقارمیورلر ؟ مسلمانلرک اوغرادقلمی مظالمی بوکون یالکیز بروایت ایتمیورلر . آرتق قونسلوسلرده رابورلرینی یازیمیورلر . بتون حقایق کوز اوکنده . روم ایلیده ایستاتستیک ایله ثابت اولان یوزده آلتمش درجه سنده کی اهالی اسلامیه یوزده یکرمی درجه سنده بیله قالمیه جق . قواله کبی دده آغاچ کبی ساحللرده ، طویران کبی شمندوفر کذرگاهلرنده بولنان یرلرده قتالک بودرجه سی ایشله نیر ایسه فرانسز مطبوعاتی ده اچیرولرده بولنان وعالم انسانیته سسنی هیچ ده ایشته دیرمین مسلمانلر حقنده نه لر ایشلندیکنی تقدیر ایده مزیم ؟ »
